



Na osnovu člana 17. stav 1. i člana 44. stav 1. Zakona o Visokom sudskom i tužilačkom vijeću Bosne i Hercegovine („Službeni glasnik Bosne i Hercegovine“, br. 25/04, 93/05, 48/07 i 15/08), a u vezi sa članom 61. Poslovnika Visokog sudskog i tužilačkog vijeća Bosne i Hercegovine („Službeni glasnik Bosne i Hercegovine“, br. 55/13, 96/13, 46/14, 61/14, 78/14, 27/15, 46/15, 93/16, 48/17, 88/17, 41/18, 64/18, 12/21, 26/21, 35/21, 68/21 i 1/22), Visoko sudsko i tužilačko vijeće Bosne i Hercegovine je na sjednici održanoj 13.04.2023. godine, donijelo

O D L U K U **o imenovanju sudije u Općinski sud u Mostaru**

- I. Za sudiju Općinskog suda u Mostaru imenuje se **Konjhodžić Amela**.
- II. Imenovana stupa na dužnost 08.05.2023. godine.
- III. Ova odluka stupa na snagu danom donošenja i objavljuje se na internet stranici Vijeća.

O b r a z l o ž e n j e

Visoko sudsko i tužilačko vijeće Bosne i Hercegovine (u daljem tekstu: Vijeće) je dana 04.05.2022. godine, objavilo javni konkurs, broj: 04-07-3-1614-1/2021, kojim su, između ostalih pozicija, oglašene i dvije pozicije sudije Općinskog suda u Mostaru.

Nakon provedene konkursne procedure, nadležno podvijeće je izvršilo finalno rangiranje kandidata, te je Vijeću dostavilo rang listu kandidata sa obrazloženim prijedlogom za postupanje.

Razmatrajući zaključenu rang listu kandidata i utvrđeni broj bodova, kao rezultat ocjenjivanja svih kriterija propisanih Zakonom o Visokom sudskom i tužilačkom vijeću Bosne i Hercegovine (u daljem tekstu: Zakon o VSTV-u BiH) i Poslovníkom Visokog sudskog i tužilačkog vijeća Bosne i Hercegovine (u daljem tekstu: Poslovnik VSTV-a BiH), Vijeće je odlučilo da za jednu od dvije oglašene pozicije sudije Općinskog suda u Mostaru imenuje kandidatkinju pod rednim brojem 6 na rang listi, Konjhodžić Amelu.

Vijeće je nakon ocjene stručne sposobnosti kandidatkinje zasnovane na dosadašnjim rezultatima u karijeri, sposobnosti pravne analize, komunikativnosti i sposobnosti prezentacije, sposobnosti kandidatkinje da odgovorno, nezavisno i nepristrasno obavlja funkciju sudije, uzimajući u obzir, između ostalog, dosadašnje radno iskustvo kandidatkinje, profesionalnu nepristrasnost i ugled, ponašanje van posla, edukaciju i usavršavanje, te druge aktivnosti u struci i ocjene kriterija podobnosti, ocijenilo da imenovana kandidatkinja u potpunosti ispunjava uslove za imenovanje propisane u članu 43. Zakona o VSTV-u BiH.

Shodno navedenim kriterijima kandidatkinja je u toku konkursne procedure ostvarila ukupno 110,8 bodova od mogućih 125 bodova, čime je ostvarila potreban uspjeh u smislu člana 59a. stav (1) tačka a) Poslovnika VSTV-a BiH, kako bi bila predložena i imenovana za poziciju sudije općinskog suda.

U pogledu radnog iskustva kandidatkinje, Vijeće je imalo u vidu činjenicu da imenovana kandidatkinja od 2016. godine obavlja poslove stručnog saradnika u Općinskom sudu u Sarajevu. Prije toga, imenovana je u periodu od 2007. g. do 2016. g. obavljala poslove stručnog saradnika za vođenje zemljišnih knjiga, a kasnije i višeg stručnog saradnika za vođenje zemljišnih knjiga u Općinskom sudu u Sarajevu. U periodu od 2006. g. do 2007. g. obavljala je poslove volontera, pripravnika u Općinskom sudu u Sarajevu.

Prilikom donošenja odluke, Vijeće se u odnosu na kandidate pod rednim brojem 1, 2 i 3 na rang listi, opredjelilo za kandidatkinju pod rednim brojem 6 na rang listi, Konjhodžić Amelu, radi potrebe osiguranja adekvatne nacionalne i spolne zastupljenosti u navedenom sudu, u smislu člana 43. stav 2. Zakona o VSTV-u BiH. Pored navedenog, Vijeće je imalo u vidu činjenicu da je kandidatkinja pod rednim brojem 4 na rang listi prethodno imenovana na jednu od dvije oglašene pozicije sudije Općinskog suda u Mostaru, dok je kandidatkinja pod rednim brojem 5 na rang listi nedavno imenovana na poziciju sudije Okružnog privrednog suda u Istočnom Sarajevu, sa početkom mandata od 06.02.2023. godine.

Imajući u vidu sve iznesene razloge, Vijeće je odlučilo kao u izreci ove odluke.

Broj: 04-07-3-1549-1/2023

Datum: 13.04.2023. godine

